

TAUALUMAGA I ASO TAITASI I TOTONU O LE MAOTA

9:00 i le taeao

GALUEGA O LE ASO TAU LE MALO

- Na toe fa'aaauu felafolafoaiga i luga o le faitauga faalua o le *"Tulafono Tau Faaofi o Tulaga o Tagatanuu i le Teufaafaigaluega o Tupe Mai Fafo 2014"*.
- Na faatuina e le Palemia le lafo ina ia faataatia ese ai le Tulafono Tumau 31(1) ma avanoa ai le faaopopoina o taimi fa'atulagaina mo le fonotaga a le Fono Aoao; na faamaonia le lafo.
- Na saunoa le Sui Usufono mo le Itumalo o Sagaga Le Usoga i le tulaga o Faamalamalamaga a le Tagata Lava Ia, e tusa ai ma lana faai'uga e se'e ese ai mai le nofoa o le itumalo ma faamavae aloaia ai mai lona tofiga faipule; na taliaina aloaia e le Afioga i le Palemia le faamavega a le Sui.
- Na faatuina e le Sui Usufono mo Aana Alofi Nu.1 - LEAUPEPE Toleafoa Apulu Faafisi se lafo ina ia tuuina mai ai le fesili a le Fofoga Fetalai mo le faitauina faalua o le Tulafono Tau Faaofi; na faamaonia le lafo. Na faitauina faalua le *"Tulafono Tau Faaofi o Tulaga o Tagatanuu i le Teufaafaigaluega o Tupe Mai Fafo 2014"* ma ua faase'e atu ai nei i le Komiti o Mataupu tau Faamasinoga, Leoleo & Falepuipui ma Faamasinoga o Fanua ma Suafa mo le iloiloia.

TOLOPOINA

- Na tolopo taualumaga a le Fono Aoao i le itula 5:40 i le afiafi, seia aulia le itula e 9:00 i le taeao o le Aso Lua 17 Mati 2015.